



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendium Summae seu Manualis Doct. Navarri

Ávila, Esteban de
Azpilcueta, Martín de

Lvgdvni, 1609

Illegitimus & legitimus.

urn:nbn:de:hbz:466:1-41656

Iusta (quæ à Theologis dicitur , inuincibilis , & à Canonistis probabilis) est , qua communiter homines suæ conditionis adhibita diligentia laborant : & hæc quando est antecedens , excusat ; secus quando est consequens . Tunc autem est antecedens , siue causa actus , quando actus non fieret , nisi ignoraretur : tunc verò est comes , seu consequens , quando fieret actus , etiam si sciretur . cap. 23. num. 45 .

Ignorantia circa legem naturalem , vel diuinam , non potest esse iusta communiter loquendo . Bene tamen circa pœnam excommunicationis , vel alterius censuræ statutam ab homine : imò circa aliam pœnam communiter non statutam . nu. 47 .

Ignorantia excusat à pœna legis extraordinaria & exorbitante , non tamen ab ordinaria . cap. 27. num. 272. §. 13. in Nouo num. 273 .

Ignorantia non facit capacem acquisitionis cum qui aliàs est incapax . cap. 27. num. 27. dicto. 8 .

ILLEGITIMVS
& *Legitimus.*

AILLEGITIMVS etiam occultus , & publice reputatus pro legitimo non potest sine

sine dispensatione ordinari. Atque sub nomine illegitimi omne genus illegitimum intelligitur. cap. 2 §. No. num. 69. & cap. 27. num. 194. & ex. professo. num. 201.

Cum illegitimo solus Papa dispensat ad ordines sacros, dignitatem, & beneficium curatum. Et cum proficiente religionem ius commune; dispensat ad omnes ordines, & ad unum beneficium simplex, non tamen ut possit esse praelatus. Episcopus vero dispēsat ad minores ordines, & ad unum beneficium simplex. cap. 2 §. num. 69. cap. 27. num. 201.

Peccat igitur mortaliter illegitimus, qui ordinatur sine dispensatione, & fit irregularis. c. 2 §. n. 69. in Antiq. sed in Nouo dempta est illa particula, fit irregularis. ibidem.

Peccat mort. illegitimus, qui absque dispensatione accipit quoduis beneficium, & acceptio est nulla, & nisi dispensatione obtineat, tenetur relinquere. Circa quod Cōc. Trid. sequentia statuit. sess. 21. c. 5. de Refor.

Ne filij illegitimi clericorum habeant pensiones super beneficiis, quae parentes eorum obtinuerunt, neque etiam vlla beneficia in Ecclesiis, ubi patres beneficium aliquod habent, aut habuerunt: atque reciproca resingationes quae posthac a parentibus clericis in fauorem filiorum, aut alius fraudulenter fiunt, ipsis nequaquam suscipiantur. Quis peccat mortaliter, & omnis

Bb 2 qui

qui accipit beneficium aliquod carens qualitatibus, quas illud per fundationis sua statuta, vel alia requirit. cap. 117.

Illegitimus maximè spurius adulterinus, est incapax hæreditatis, & si illam, mortuo patre putatiuo, adiuit, debet eam relinquere fratribus legitimis. cap. 16. à num. 43. vsque ad 40. Quomodo se gerent in hoc ipse, & pater eius & mater. vide tit. Adulterium. tit. Hæreditas. I.

Monialis illegitima non potest secundùm ius commune esse prælata: nec Episcopus potest dispensare. cap. 27. num. 201. §. 10.

I M A G O.

Q V A N T V M ad rationem principalem imaginis, mulier etiam est imago Dei, sicut vir. Præl. 3. num. 17.

Concil. Trid. sess. 23. sub anathemate definiuit, hæreticum esse qui dixerit, *Sanctos non esse à nobis inuocandos, aut eorum preces apud Deum nobis non prodesse: aut qui dixerit, Sanctorum reliquias & imagines non esse à nobis venerandas.* Declarauit etiam quòd sicut sanctum est Sanctorum imagines & maximè Domini nostri, eiusque matris habere, & colere: ita etiam peccatum est illas procaci, & non honesta forma ornare. Item idololatriam esse